

Imaani avatangiisit illorsorneqarnissaat pillugu Inatsisartut peqqussutaat

Kalaallit Nunaanni avatangiisit il.il. pillugit inatsit nr. 850, 21. december 1988-imeersoq, inatsisikkut Kalaallit Nunaanni avatangiisit pillugit inatsinik arlalinnik allanngortitsukkut nr. 921-kkut 25. november 1992-imeersukkut allannguuteqartinneqartoq, tunngavigalugu makku aalajangersarneqarput:

Kapitali 1.

Aalajangersakkat aallarnisaataasut.

§ 1. Inatsisartut peqqussutaat manna pinngortitat avatangiisillu illorsorneqarnissaannut peqataassaaq, taamaalilluni inuiaqtigijit ineriarngerat nungusaataanngitsumik tunngaveqarluni inuillu inuunermi atugarisaat ataqqillugit kiisalu uumasut naasullu nungutsaolineqarnissaat siunertaralugu ingerlanneqarsinnaaqqullugu.

Imm. 2. Inatsisartut peqqussutaatigut matumuuna pingaartumik anguniarneqarpoq imaatigut avatangiisit umiarsuarnit silaannakkoortaatinillu imerpalanngitsunik, imerpelasunik, allanngortitanik allatulluunniit ilusilinnik ikummatilinnit mingutsinnejarsinnaanerisa pitsaaliorneqarnissaat,

- 1) inuup peqqissusianut ulorianartorsiortitsinnaasumik
- 2) imaani pisuussutinik uumassusilinnik uumassusilinnillu allanik ajoqsiisinnaasumik
- 3) pisinnaatitaaffik naapertorlugu immap atorluarneqarneranut akornutaasinnaasumik, imaluunniit
- 4) sukisaarsaartarfiusinaasutut nalilinnut akornutaasinnaasumik.

Imm. 3. Inatsisartut peqqussutaata matuma imaani umiarsualivinnilu mingutsisinnaanermut akiuinissamut upalungaarsimanerup ataavartinneqarnissa qulakkiissavaa.

§ 2. Inatsisartut peqqussutaat manna immamut sinerissamiit avammut 3 somilit avasitsigisoq tikillugit atuuppoq, tamanna imatut paasineqassalluni Kalaallit Nunaata imartaani basisliniamiit nunap tungaanut kiisalu basisliniamiit avammut killeqarfiup killerpiaanut, 3 somiliniik silissuseqartuaannaartoq.

§ 3. Inatsisartut peqqussutaanni matumani umiarsuit silaannakkoortaatillu makku pineqarput:

- 1) kalaallit qallunaallu umiarsuaataat kiisalu umiarsuit allat Kalaallit Nunaata imartaaniittut,
- 2) kalaallit qallunaallu silaannakkoortaataat kiisalu silaannakkoortaatit allat Kalaallit Nunaata imartaaniittut imartalluunniit tamatuma qulaaniittut.

Imm. 2. Inatsisartut peqqussutaanni matumani umiarsuit sorsuutit umiarsuillu allat naalagaaffimmit atorneqartut pineqanngillat umiarsuit taakku naalagaaffimmit aningaasannanniutaanngitsuinnarnut atorneqartillugit.

§ 4. Inatsisartut peqqussutaanni matumani "imaarsineq" tassaatinneqarpoq umiarsuit nalinginnaasumik ingerlanneqarnerannut atatillugu atortunik stoffinilluunniit imaanut kuutsitsineq, saavitsitsineq igitsinerluunniit suugaluartoq.

Imm. 2. Inatsisartut peqqussutaanni matumani "eqqaaneq" tassaatinneqarpoq stoffnik atortunillu umiarsuarnit timmisartunilluunniit imaluunniit umiarsuarnik timmisartumilluunniit imaanut eqqaaneq suugaluartorluunniit, matumani stoffnik atortunillu eqqagassatut umiarsuarmiitinneqartunik timmisartumiitinneqartunilluunniit kuutsisineq, saavitsineq eqqaanerlu sunaluunniit - imaarsinertut isigineqarsinnaanngitsoq.

Imm. 3. Imaarsinertut eqqaanertulluunniit isigineqanngillat stoffnik atortussanilluunniit imaanut inissiinerit, inissiineq eqqaanermit allaanerusumik siunertaqarluni pisimappat.

§ 5. Mingutsitsinermik akuiniarnermi ilisimatuussutsikkut misissuinissaq siunertaralugu imaaniluunniit mingutsitsinerup akiorneqarnissaa siunertaralugu stoffnik atortussanilluunniit allanik imaanut kuutsitsisoqassanngilaq Naalakkersuisut taamaaliornissamut akuersissuteqareersimatinngit.

Imm. 2. Pisuni ataasiakkaani imaluunniit pissutsit immikkut ittut atuutsillugit piffissami erseqqinnerusumik killilerneqarsimasumi imm. 1 malillugu taamaallaat akuersissuteqartoqarsinnaavoq. Akuersissununi oqaatigineqassaaq stoffit atortussalluunniit suut akuersissummi ilaatinneqarnersut, taakku katillutik qanoq annertutigissanersut kiisalu qanoq ililluni toqqortarineqassanersut, piffisanilu aalajangersimasuni nakkutilliinermut atatillugu misissugassanik tigooraasoqartassanersoq nalunaarusiortoqartassanersorlu.

§ 6. Kalaallit Nunaata imartaani avatangiisink illersuinissaq siunertaralugu malittarisassanik aalajangersaaneq kiisalu pisuussutinik uumaatsunik misissueqqaarnernut, ujarlernernut atuinermullu atatillugu avatangiisinut pingaaruteqartumik aaqqiisarnerit nakkutilliinerlu, matumani aatsitassat ilanngullugit, peqqusummi matumani ilaatinneqanngillat, ingerlatanilli taamaattunik ingerlatsinissamut pisinnaatsisinermut akuersissuteqarnermulluunniit atatillugu inatsisit manna tikillugu atorneqartut tunngavigalugit pisassalluni, kiisalu suliassat taakku oqartussanit ataatsimut suliarineqarnerannut ilaatillugu pisassalluni.

Kapitali 2.

Uulia.

§ 7. Peqqusummi matumani "Uulia" tassaatinneqarpoq uuliat suulluunniit taassuminngalu akuukkat, matumani uulia salinneqanngitsoq, gassi imerpalasoq pinngortitap pilersitaa, uuliap kinnerlukui uuliamillu igitassat, kiisalu uulia ikummatisaqq uuliallu salinneqarnerani atortussiat allat tamarmik, petrokeitiikaliat § 10 tunngavigalugu immikkoortillugit nassuarneqarsimasut eqqaassanngikkaanni.

Imm. 2. "Umiarsuaq uuliamik assartuut" tassaatinneqarpoq umiarsuaq uuliamik assartuinissaq siunertaralugu aaqqissunneqarsimasoq, imaluunniit uuliamik annertoorsuanngorlugu assartuinermi atorneqartoq.

§ 8. Kalaallit Nunaata imataani umiarsuarniit silaannakkoortaatinilluunniit uuliamik imaarsisoqassanngilaq.

§ 9. Umiarsuarni uuliamik assartuitini suniluunniit 150 BRT-itut taannaluunniit sinnerlugu oqimaassusilinni umiarsuarnilu allani tamani 400 BRT-itut taannaluunniit sinnerlugu oqimaassusilinni uuliamik orsorsorneqartartumi uuliap atorneqarnera pillugu nalunaarusiortoqartassaaq.

Imm. 2. Nalunaarsuusiorneq taassumalut ilusilerneqarnera pillugit Naalakkersuisut erseqqinnerusunik malittarisassaliussapput Kalaallit Nunaata imartaata avataani malittarisassanut atuuttunut naapertuuttunik.

Imm. 3. Oqartussat § 36-mi taaneqartut naalagaaffimmiluunniit oqartussat pisussaasut umiarsuarniit mingutsitsinermik pitsaaliunissaq pillugu isumaqatigiisummik akuersisimasut piumasaqarnerisigut

umiarsuup piginnittaata, atuisup umiarsuulluunniit naalagaata nalunaarsuiffik takutissavaa, taassumalu assilineqarneri akuerisaasut nalunaarutigalugit.

Kapitali 3.

Stoffit imerpulasut annertoorsuanngorlugit assartorneqartartut.

§ 10. Inatsisartut peqqussutaanni matumani "stoffit imerpulasut" tassaatinneqarput stoffit kissassutsimi $37,8^\circ\text{C}$ -imi aalanngorlutik $2,8 \text{ kp/cm}^2$ sinnerlugu naqitsineqalertaanngitsut.

Imm. 2. Stoffnut imerpulasunut annertoorsuanngorlugit assartorneqartartunut immikkoortillugit nassuaatit pillugit Naalakkersuisut malittarisassaliussapput, stoffillu imerpulasut immikkoortillugit nalunaarsorneqarfiannik allattuiffiliussallutik Kalaallit Nunaata imartaata avataani malittarisassanut atuuttunut naapertuuttunik.

Imm. 3. Kalaallit Nunaata imartaani stoffnik imerpulasunik annertoorsuanngorlugit assartorneqartartunik imaarsisoqassanngilaq, imeq allamik akoqanngitsoq eqqaassangnikkaanni.

§ 11. Stoffit imerpulasut, uulia § 10 tunngavigalugu immikkoortillugu nalunaarsorneqarsimanngitsoq eqqaassangnikkaanni, Kalaallit Nunaanni umiarsualivimmit imaluunniit umiarsualivimmut annertoorsuanngorlugu assartorneqannginnerminni utaqqiisaagallartumik immikkoortillugit nalunaarsorneqassapput.

§ 12. Umiarsuarni stoffnik imerpulasunik annertoorsuanngorlugit assartuinissamut naleqqussakkani assartuisuniluunniit (kemikalietankskibe) stoffit imerpulasut § 10 tunngavigalugu ajoqsiisinaasutut immikkoortillugit nalunaarsorneqarsimasut pillugit nalunaarsuusiortoqassaaq.

Imm. 2. Nalunaarsuusiorneq taassumalu ilusilerneqarnera pillugit Naalakkersuisut erseqqinnerusunik malittarisassaliussapput Kalaallit Nunaata imartaata avataani malittarisassanut atuuttunut naapertuuttunik.

Imm. 3. Oqartussat § 36-mi taaneqartut piumasaqarnerisigut umiarsuup piginnittaata, atuisup umiarsuulluunniit naalagaata nalunaarsuiffik takutissavaa, taassumalu assilineqarneri akuerisaasut nalunaarutigalugit.

§ 13. Imermik tankinut saligutaasumik usingiarneq imaarsinerlu pillugit malittarisassat aalajangersakkallu malinneqarnerinik nakkutiliineq pillugu malittarisassat Naalakkersuisunit aalajangersarneqassapput. Inunnik nakkutiliinermik ingerlatsisussanik toqqaaneq piginnaatitsinerlu pillugit malittarisassat Naalakkersuisunit aalajangersarneqassapput.

Kapitali 4.

Poortuusissat assigiinngitsut, containerit il.il. atorlugit stoffit atortussallu poortorneqarsimasut.

§ 14. Kalaallit Nunaata imartaata illersorneqarnissa siunertaralugu Naalaakkersuisut malittarisassanik erseqqinnerusunik aalajangersasinnappa, imaluunniit stoffit atortussallu ajoqsiisinaasut poortuutissanik assigiinngitsunik, containerinik il.il. poortorneqarsimallutik assartorneqarneri pillugit aalajangiisinnallutik, matumani siumut ilisimatitsissuteqartarneq ilanngullugu.

Kapitali 5.

§ 15. Kalaallit Nunaata imartaata illersorneqarnissa siunertaralugu stoffit manngertut annertoorsuanngorlugit assartorneqartartut immikkoortillugit nalunaarsorneqarnissaat pillugu Naalaakkersuisut malittarisassanik aalajangersasinnappa, kiisalu stoffnik ajoqsiisinaasunik

imaarsisoqannginnissaanik imaluunniit immikkut piumasaqaataasut aatsaat eqqortillugit
imaarsisoqarsinnaanera pillugu malittarissanik aalajangersaasinjaallutik. Stoffit immikkoortillugit
nalunaarsorneqarsimasut pillugit Naalakkersuisut allattuiffiliortitsisinnaapput.

Kapitali 6.

Ipeq eqqakkat kuuffineersoq.

§ 16. Imermik umiarsuit eqqakkanik kuuffineersumik imaarsisarneq pillugu malittarisassanik
Naalakkersuisut aalajangersaasinjaapput, matumani umiarsualivinni, kangerlumanerni, kangerlunni
taakkulu assigisaanni imaarsinissamik inerteqquteqarneq ilanngullugu.

Kapitali 7.

Igitassat.

§ 17. Kalaallit Nunaata imartaani igitassanik imaarsisoqassanngilaq, aalisakkat nutaat taakkulu perlukui
eqqaassanngikkaanni.

Kapitali 8.

Tigooraaviit.

§ 18. Uuliakunik stoffinillu imerpalaunik ajoqusiisinjaasunik kiisalu igitassanik umiarsualivinni
tigooraaviit pilersinneqarneri aaqqissuunneqarnerilu pillugit Naalaakkersuisut malittarisassanik
aalajangersaassapput aalajangiillutillu. Matumani ilanngullugu aalajangerneqarsinnaavoq umiarsuarnik
orsersuisarfut, suliffeqarfut usingiaasartut uuliamilluunniit tigooraasartut, imalluunniit usingiaassartut
stoffinilluunniit imerpalaunik ajoqusiisinjaasunik tigooraasartut kiisalu umiarsuarnik iluarsaassisarfut
imermik uuliakumik kemikalianillu akulimmik imermillu ballasteqarfinnut tankinullu saligutaasimasumik
tigooraavissanik pilersitseqqullugit peqquneqassasut.

Kapitali 9.

Eqqaaneq.

§ 19. Kalaallit Nunaata imartaani stoffnik atortussanillu eqqaasoqassanngilaq. Taamaattorli aalisakkanik
aalisakkallu perlukuunik immallu naqqaneersunik qaqitanik eqqaaneq, kiisalu nakkutigineqartumik
angallatinik kiversaaneq Naalakkersuisut akuersissutigisinnaavaat.

§ 20. Aalisakkanik aalisakkallu perlukuunik eqqanissamut akuersissuteqartoqartassaaq
eqqaavigineqartussami pissutsit erseqqissumik naliliivigineqareernerisigut.

*Imm. 2. Angallatit imaanut kiversaneqarnissaannik taamaallaat akuersissuteqartoqarsinnaavoq pissutsit
immikkut ittut atuutsillugit, pisuni erseqqissuni ataasiakkaani, angallatillu kiversaneqartussat stoffnik
avatangiisnit ulorianarsinaasunik tamanik imaarneqareersimappata.*

*Imm. 3. Inunap naqqanit qaqitanik eqqaanissamut akuersissuteqartoqartassaaq qinnuteqaatip
naliliiffigineqareerneratigut, qinnuteqaatillu ataasiakkaat tamarmik immikkut erseqqissumik
naliliiffigineqareernerisigut.*

§ 21. § 20 tunngavigalugu akuersissummi nalunaarsimassaaq stoffit atortussalluunniit suut akuersissummi
ilaatinneqarnersut, taakku annertussusiat kiisalu eqqaavissap sumiissuserpiaa. Qanoq periuseqarluni
eqqaanissaq eqqarsaatigalugu aamma piumasaqaateqartoqarsinnaavoq, matumani nakkutilliineq
isumannaallisaanerlu, iliuusissat nalunaaruteqarnissarlu ilanngullugit eqqarsaatigalugit.

Imm. 2. § 20 tunngavigalugu akuersissut allakkatigut qinnuteqartumut kiisalu oqartussanut suliap suliarineqarnerani peqataatinneqarsimasunut nalunaarutigineqassaaq. Akuersissummik nalunaaruteqarneq inuinnarnut aalajangiinermut annertuumik soqutigisaqarsinnaasorinartunut aamma nalunaarutigineqassaaq, tamannalu tamanit atuarneqarsinnaasumik annonceliinikkut pisinnaavoq.

§ 22. Eqqaanissamut akuersissummik tunniussisoqareersimatinngu stoffit atortussalluunni.it eqqaanissaq siunertaralugu assartugassanngorlugit tunniunneqarnissaat, assartorneqarnissaat usilersunneqarnissaalluunniit inerteqqutaavoq.

§ 23. §§ 19 - 22 tunngavigalugit eqqaaneq pillugu Naalakkersuisut malittarisassanik erseqqinnerusunik aalajangersaasinnaapput.

Kapitali 10.

Imaanik allatigut mingutsitsineq.

§ 24. Kalaallit Nunaata imartaani stoffnik atortussanilluunniit ikuallaasoqassanngilaq.

Imm. 2. Imaani ikuallaanissaq siunertaralugu stoffit atortussalluunniit assartugassanngorlugit tunniunneqarnissaat, assartorneqarnissaat usilersunneqarnissaalluunniit inerteqqutaavoq.

Imm. 3. Imm. 1 - 2-mi aalajangersakkat umiarsuit nalinginnaasumik ingerlanneqarneranni eqqagassanngortut ikuallanneqarnertarnerat eqqarsaatigalugu atuutinngillat.

Imm. 4. Imm. 3-mi pineqartunut malittarisassanik Naalakkersuisut aalajangersaasinnaapput.

§ 25. Kalaallit Nunaata imartaata illorsorneqarnissa siunertaralugu umiarsuarnit silaannarmik mingutsitsinerup killilersimaarneqarnissa siunertaralugu immikkut iliuusissat pillugit Naalakkersuisut malittarisassanik erseqqinnerusunik aalajangersaasinnaapput, matumani orsussaq eqqarsaatigalugu piumasaqaatit ilanngullugit.

§ 26. Nukissamik, stoffnik atortussanilluunniit kapitalini 2-7-imi, 9-mi kiisalu kapitali 10-mi ilaatinneqanngitsunik Kalaallit Nunaata imartaanik mingutsisinaveersaarnissaq mingutsitsinnginnissarlu siunertaralugit Naalakkersuisut malittarisassanik aalajangersaasinnaapput.

Kapitali 11.

Upalungaarsimaneq.

§ 27. Kalaallit Nunaata imartaani uuliamik akoorutissanillu (kemikalier) mingutsinsinermik akiuineq Naalakkersuisunit oqartussanillu allanit Naalakkersuisunit tamatumunnga piginnaatinneqartunit isumagineqartussaavoq.

Imm. 2. Uuliamik akoorutissanilluunniit mingutsisisoqarsimatillugu sinerissamik saliineq kommunalbestyrelsimit ingerlanneqassaaq.

Imm. 3. Imm. 1-imi aamma 2-mi taaneqartut Kalaallit Nunaata imartaani pisuussutinik uumaatsunik misissuinermut atuinermullu atatillugu uuliamik akoorutissanillu mingutsinsinermik akiuinermi atuutinngillat. Taamatut pisoqartillugu pisariaqartunik iliuuseqarnissaq Energiministerip isumagissavaa.

Imm. 4. Imm. 1 tunngavigalugu upalungaarsimanissamut pilersaarutit Naalakkersuisut suliarissavaat, imm. 2-milu oqartussat taaneqartut upalungaarsimanissamut pilersaarusioqqullugit peqqusinnaallugit.

§ 28. Umiarsuit uuliamik assartuutit 150 BRT-itut tassanngaluunniit oqimaannerusut tamarmik umiarsuillu allat 400 BRT-itut tassanngaluunniit oqimaannerusut tamarmik umiarsuarmi ajutoornikkut uuliamik mingutsitsisinnaanermut upalungaarsimanissamut pilersaarummik akuerineqarsimasumik peqassapput.

Imm. 2. Umiarsuit 150 BRT sinnerlugu oqimaassusillit stoffnik imerpalaasunik ajoquisiisinnaasunik

annertoorsuanngorlugit assartuinissamut aaqqissuussat stoffinilluunniit taamaattunik annertoorsuanngorlugit assartuisut upalunaarsimanissat pilersaaruteqarnissaat pillugu Naalaakkersuisut malittarisassanik aalajangersaasinnaapput.

Kapitali 12.

Nalunaaruteqartarneq.

§ 29. Kapitalinut 2-7-mi aalajangersakkanik unioqqutitsisumik imaluunniit § 40-mi ilaatinneqartunik imaarsisoqarpat umiarsuarmik piginnittut, atuisut, umiarsuit naalagaat kiisalu ilisimasortat Naalakkersuisunut ingerlaannartumik nalunaaruteqassapput. Kiisalu qanorluunniit ittumik ikkarlittoqartillugu, imaluunniit allamik patsiserqartumik imaarsinissaq ilimagineqarpat tamanna ingerlaannaq aamma nalunaarutigineqassaaq.

Imm. 2. Inuit imm. 1-im i taaneqartut kiisalu silaannakkoortaatini naalagaasut uuliamik imaluunniit stoffnik imerpasunik ajoqsiisinaasunik mingutsitsisoqarneranik umiarsuarmiit silaannakkoortaammilluunniit malugisaqarunik ingerlaannaq Naalakkersuisunut nalunaaruteqassapput.

Imm. 3. Umiarsualivimmi uuliamik stoffinilluunniit imerpasunik ajoqsiisinaasunik annertuumik maangaannaq kuutsitsinermik malugisaqaruni umiarsualivimmi oqartussaasoq Naalakkersuisunut ingerlaannaq nalunaaruteqassaaq.

Imm. 4. Imin. 1-3-im i taaneqartutut pisoqartillugu tassani inuit taaneqartut Naalakkersuisunit § 27-imilu oqartussanit taaneqartunit piumaffigineqarnermikkut immamik mingutsitsinissaq pinngitsoortinniarlugu mingutsitsinerluunni.it akiorniarlugu iliuuseqarnissanut paassisutissat pingaaruteqartut tamaasa nalunaarutigissavaat.

§ 30. Assartuutinik piginnittut, atuisut taakkulu naalagaat akuersisummik pigisaqaratik imaanut eqqaasimagunik imaaniluunniit ikualaasimagunik tamanna Naalakkersuisunut ingerlaannartumik nalunaarutigissavaat.

§ 31. §§ 29-im aamma 30-mi aalajangersakkat malitsinneqarnissaat pillugu malittarisassat erseqqinnerusut Naalakkersuisut aalajangersarsinnaavaat.

Imm. 2. Imaanik allatut mingutsitsinerit §§ 29-mi aamma 30-mi ilaatinneqanngitsut nalunaarutigineqartarnissaat pillugu Naalakkersuisut malittarisassanik aalajangersaasinnaapput.

§ 32. Stoffit atortussalluunniit umiarsualivinni usilersunneqartut usingiarneqartullu katitigaanerat annertussusiallu pillugit nioqquteqartut, eqqussuisut, avannut nioqquteqartut, assartuisut umiarsualivinnilu oqartussat nalunaaruteqartarnissaannut malittarissasanik Naalakkersuisut aalajangersaasinnaapput.

Kapitali 13.

Akuliunneq.

§ 33. Kinaassutsimik eqqortumik upernarsasiinikkut eqqartuussivik aalajangiisinngikkaluarlugu Naalakkersuisut oqartussallu § 36-mi taaneqartut umiarsuarmik immap mingutsinneqarnissaat pinngitsoortinniarlugu mingutsitsinermilluunniit akiuinissaq siunertaralugu pisariaqartinnejqartumik misissuisinnaapput umiarsuarmit imaarsisoqarsimappat imaarsinissarluunniit ulorianarsorinarpas, tamannalu kapitalini 2-7-im aalajangersakkanik imaluunniit § 26 tunngavigalugu maleruaqqusanik unioqqutitsineruppat, § 40-miluunniit ilaatinneqarpat. Misissuineq umiarsuup pisariaqanngitsumik kinguaattoorneranik pisariaqanngitsumilluunniit aningaasartuuteqarneranik kinguneqassanngilaq.

§ 34. Naalakkersuisut oqartussallu § 36-mi taaneqartut umiarsuup ingerlaqqinnissaa umiarsuarmiluunniit ingerlatat allat ingerlateqqinnejarnissaat inerteqqutigisinjaavaat, imaluunniit peqqussutigisinjaallugu umiarsuup ingerlaarnererani ingerlatanilluunniit allanik ingerlatsinermeri tunaartarisasat aalajangersimasut malinneqassasut; taamaaliortoqarsinjaavoq umiarsuarmit imaarsisoqarsimappat imaluunniit imaarsisoqarnissaa ulorianaateqarpat kapitalinut 2-7-im i alajangersakkani imaluunniit § 26 tunngavigalugu maleruaqqusanik unioqqutitsisumik imaluunniit § 40 ilaatinneqartunik, inerteqqullu imalluunniit peqqussut imaanik mingutsitsisinnaanermik pitsaliuinissaq mingutsitsinermilluunniit akiunissaq siunertaralugu pisariaqartinneqarpata.

Imm. 2. Oqartussat imm. 1-im i taaneqartut imm. 1-im i taaneqartunit annertunerusunik iliuuseqartoqarnissaanik aalajangiisinjaapput, mingutsitsinermeri imaanii avatangiisiniq annertuumik ajoquisiisinjaasumik pitsaliuinissaq akiunissarluunniit siunertaralugit taamaaliornissaq pisariaqartinneqarpata.

Imm. 3. Imm. 1-2 tunngavigalugit inerteqquteqarnissamik peqqussuteqarnissamilluunniit aalajangererit umiarsuup naalagaannut, piginnitaanut atuisumulluunniit allakkatigut telegrafiluunniit atorlugu piaarnerpaamik nalunaarutigineqassapput, inerteqquteqarnermut peqqussuteqarnermulluunniit tunngavigneqartut nalunaarutigineqarnerannik ilaqtillugu, umiarsuarlu aallaqqusaajunnaarsimappat aallaqqissinjaalernissaanut suut piomsaqaataanersut ilanngullugit nalunaarutigineqassallutik.

§ 35. Imaarsisoqarsimappat imaluunniit imaarsisoqarnissaa ulorianaateqarpat kapitalinut 2-7-im aalajangersakkani imaluunniit § 26 tunngavigalugu maleruaqqusanik unioqqutitsisumik imaluunniit § 40 ilaatinneqartumik, imaarsinerullu kingunerisaanik upalungaarsimanissaq mingutsitsinermilluunniit akiuineq pissutigalugu aningaasartuuteqartoqarsimappat aningaasartuutit taamaattut pisariaqartumik iliuuseqarnernut tamanut aningaasartuutaasimasut umiarsuup piginnittaanit aningaasartuutigineqassapput.

Imm. 2. Naalaakkersuisut oqartussallu imm. 1-im i taaneqartut umiarsuarmik piginnittoq peqqusinnaavaat aningaasartuutinut imm. 1-im i taaneqartunut qularnaveeqqusiiressoq, aalajangiisinjaallutillu qularnaveeqsusiiisoqarnissaata tungaanut umiarsuaq aallaqqusaassanngitsoq. § 34, inun. 3-mi aalajangersakkat aamma atortinneqassapput.

Kapitali 14.

Nakkutilliineq.

§ 36. Inatsisartut peqqussutaanni matumani aalajangersakkat malittarisassallu taanna tunngavigalugu aalajangersarnejarnissasut malinneqarnerisa nakkutigineqarnerat pillugu Naalakkersuisut malittarisassaliorsinnaapput.

Imm. 2. Inatsisartut peqqussutaanni matumani aalajangersakkat malittarisassallu Inatsisartut peqqussutaat manna tunngavigalugu aalajangersarnejarnissasut malinneqarnerat Illersornissaqarfip Aalisarnermer Nakkutilliisoqarfianit politiinillu nakkutigineqassaaq.

Imm. 3. Kinaassutsimik eqqortumik uppernarsaasiinikkut eqqartuussivik aalajangiisinnngikkaluarlugu imm. 1-im aamma 2-mi oqartussat taaneqartut umiarsuarmik pappialaataanillu misissuisinjaapput, kiisalu misissugassanik tigusillutik, taamaaliornermikkut Inatsisartut peqqussutaat manna malittarisassallu taanna tunngavigalugu aalajangersarnejartut malinneqarnersut paasiniarlugu. Misissuineq umiarsuup pisariaqanngitsumik kinguaattoorneranik pisariaqanngitsumilluunniit aningaasartuuteqarneranik kinguneqassanngilaq.

Imm.4. Nunat allat umiarsuaataat aqqusaaginnartut eqqarsaatigalugit imm. 1-3 tunngavigalugit piginnaatitaaffiliinnerit taamaallaat atortinneqarsinnaapput Inatsisartut peqqussutaannik matumanna malittarisassanillu taanna tunngavigalugu aalajangersakkanik unioqqutitsisoqarneranik pissutissaqavissumik pasitsaassisooqarsimappat.

§ 37. Umiarsuit uuliamik assartuutit usisaataasa tankit misissorneqartarnissaat pillugit malittarisassanik Naalakkersuisut aalajangersaasinnaapput paasiniarlugu usingiarnermi kinnganikut siusinnerusukkut uuliamik usigisimasat imaarsinerillu pillugit paasissutissiissutinut naapertuuttuunersut. Matumani ilanngullugu aalajangerneqarsinnaavoq misissuineq kinaassutsimik eqqortumik paasissutissiinikkut eqqartuussivimmit aalajangiivigineqanngikkaluamik ingerlanneqarsinnaasoq.

Imm. 2. Naalaakkersuisut malittarisassanik erseqqinnerusunik aalajangersaasinnaapput kalaallit, qallunaat nunallu allat umiarsuaataanni Kalaallit Nunaata imataaniittuni imaarsinernut peqqussut manna malillugu allatulluunniit mingutsitsinissaq eqqarsaatigalugu unioqqutitsisumik imaarsinernut maluginninniutaasinnaasunik atortulersuisoqassasoq.

Kapitali 15.

Ataatsimiititaq naaimagittaalliuuteqartarfik.

§ 38. Avatangiisit illersorneqarnissaat pillugu Inatsisartut peqqussutaat nr. 12 22. december 1988-imeersoq kingusinnerusukkut Inatsisartut peqqussutaatigut nr. 7-ikkut 13. maj 1993-imeersukkut allanngortinneqartoq tunngavigalugu ataatsimiititaq naammagittaalliuuteqartarfittut pilersinneqarsimasoq Inatsisartut peqqussutaat manna tunngavigalugu aalajangiernut naammagittaalliuuteqartarfiuvoq, avatangiisillu illersorneqarnissaat pillugu Inatsisartut peqqussutaanni nr. 12-imi 22. december 1988-imeersumi Inatsisartut peqqussutaatigut nr. 7-ikkut 13. maj 1993-imeersukkut allanngortinneqarsimsumi § 10-mi ataatsimiititap naammagittaalliuuteqartarfiup sulinera pillugu malittarisassat atutissapput.

Kapitali 16.

Aalajangersakkat allat.

§ 39. Akuersissutit Inatsisartut peqqussutaat manna inatsisilluunniit Inatsisartut peqqussutaata matuma atorunnaarsitai tunngavigalugit nalunaarutigineqarsimasut sukkulluunniit allanngortinneqarsinnaallutilluunniit atorunnaarsinneqarsinnaapput Kalaallit Nunaata imartaanik illersuinissap taamaaliornissaq pisariaqalersippagu.

§ 40. Kapitalini 2 - 7-imi kiisalu 9-mi aamma 10-mi aalajangersakkat kiisalu maleruaqqusat aalajangersakkat taakku tunngavigalugit atulersinneqartut atutissanngillat
1) imaarsineq eqqaanerluunniit inuup inuuneranik annaassiniarneq imaluunniit umiarsuup silaannakkoortaatilluunniit isumannaatsuunissaa siunertaralugu pisimappata, imaluunniit
2) kuutsineseq umiarsuup ajoquuserneranik, umiarsuup atortuisa ajoquusernerannik umiarsuulluunniit pinngitsoorneqarsinnaanngitsumik alittoorneranik patsiseqarpat, ajoquusernerullu imaluunniit alinnerup paasineqarnerata kingorna kuutsinsinissaq pinngitsoortinniarlugu millisinniarluguluunniit iliuuserisariaqartut tamarmik iliuuserineqarsimappata, mingutisisinerlu umiarsuarmik piginnittup, atuisup, umiarsuup naalagaata, allalluunniit umiarsuarmi sulianik ingerlataqartut mianersuaalliornerisigut pisimanngippat, ajoquusersinnaanerluunniit siumut naatsorsuutigereersimasinnaanngippassuk.

Kapitali 17.

Pineqaatissiisarneq atortuulersitsinerlu pillugit aalajangersakkat.

§ 41. Pillaammik akiliisussanngortitsisoqarsinnaavoq

- 1) § 5 imm. 1-imik, § 8-mik, § 9 imm. 1-imik aamma 3-mik, § 10 imm. 3-mik, § 17-imik, § 19-imik, § 22-mik kiisalu § 24 imm. 1-imik aamma 2-mik unioqqutitsisunut,
- 2) § 11-mi aamma § 15-imi piumasarineqartutut immikkoortillugit nalunaarsuutinik pissarsinianngitsoortunut,
- 3) § 5 imm. 2, § 20 aamma § 21 imm. 1 tunngavigalugu akuersissutinut atatillugu atugassarititaasunik sumiginnaasunut,
- 4) § 29 imm 1-3 aamma § 30 malillugit nalunaaruteqanngitsoortunut, imaluunniit § 29 imm. 4 malillugu paasissutissanik nalunaaruteqanngitsoortunut,
- 5) § 34 imm. 1 aamma 2 tunngavigalugit inerteqqummut peqqusununulluunniit naalanngitsunut,
- 6) § 33 tunngavigalugu misissuinernik, imaluunniit § 36 imm. 2-3 tunngavigalugit nakkutiliinermut atatillugu misissuinernik akornusersuisunut,
- 7) § 35 imm. 2 tunngavigalugu aallaqqusinnginnermut akornusersuisunut.

§ 42. § 8, § 10 imm. 3, § 19 aamma § 24 imm. 1 unioqqutinneqarpata umiarsuarmik piginnittooq atuisorluunniit pillaammik akiliisussanngortitsinermut akisussaasunngortinnejqarsinnaavoq, naak unioqqutitsineq taassuma piaarluneerneratut mianersuaalliorneratulluunnniit isigineqarsinnaanngikkaluartoq. Pillaammik akiliisussanngortitaanermut taamatut akisussaasunngortitsinerup saniatigut allanik pineqaatissiissusiisoqassangilaq.

§ 43. Malittarisassani § 9 imm. 2, § 10 imm. 2, § 12 imm. 2, § 13, § 14, § 15, § 16, § 18, § 23, § 25, § 26, § 28 iim. 2, § 31, § 32, § 36 imm. 1 aamma § 37 tunngavigalugit aalajangersarneqarsimasuni aalajangersakkanik unioqqutitsinerit pillaammik akiliisitsissaassut aalajangersarneqarsinnaavoq.

§ 44. Suliassani Inatsisartut peqqussutaanni matumani aalajangersakkanik Inatsisartullu peqqussutaat manna tunngavigalugu maleruaqqusaniq aalajangersakkanik unioqqutsitsinermut tunngasuni pinerluttulerinermut inatsimmi malittarisassat tunngavigalugit ujarlernertalimmik misissusoqarsinnaavoq.

Imm. 2. §§ 41-43 malillugit akisussaasunngortitsisoqarpat umiarsuaq oqartussanit § 36, imm. 2-mi taaneqarsimasunit aallaqqusaajunaarsinneqarsinnaavoq pillaatitut akiligassanngortinnejqartup suliassallu suliarineqarneranut tunngatillugu aningaasartuutit akilerneqareernissaasa tungaanut, imaluunniit aningaasat taakku akilerneqarnissaasa qularnaveeqqusiivigineqarnissaata tungaanut. Suliassap inaarutaasumik aalajangiivigneqarnerata kingorna kingusinnerpaammik qaammatit marluk qaangiunnerini akiliisoqarsimanngippat qulanaveeqqusiiisoqarsimanngippalluunniit umiarsuarmi pigisanik nalilinnik arsaarinnissuteqarnikkut tamanna naammassisitinniarneqarsinnaavoq.

§ 45. Aktieselskabi, anpartsselskabi, andelsselskabi taakkuluunniit assigisaat unioqqutitsisuuppata taakku taamatut isigalugit pillaammik akiliisussanngortinnejqarsinnaapput. Namminersornerullutik Oqartussat, kommuni kommunilluunniit suleqatigiiffiat unioqqutitsisuuppata taakku taamatut isigalugit pillaammik akiliisussanngortinnejqarsinnaapput.

§ 46. Inatsisartut peqqussutaat manna 1. januar 1995 aallarnerfigalugu atortuulersinneqarpoq.

Imm. 2. Tamatumunnga peqatigitillugu Kalaallit Nunaata imartaa eqqarsaatigalugu immap uuliamik mingutsirmeqarnissa pitsaaliorniarlugu iliuuserisassat pillugit inatsit, tak. nalunaarut nr. 134 28. marts 1978-imeersoq, aamma immap uuliaanngitsumik mingutsinneqarnissaa pitsaaliorniarlugu iliuuserisassat

pillugit inatsit nr. 290, 7. juni 1972-imeersoq inatsisikkut nr. 312-ikkut 26. juni 1975-imeersukkut allannguuteqartinneqartoq atorunnaarsinnejarpuit.

Namminersornerullutik Oqartussat, ulloq 3. november 1994

Lars Emil Johansen

/

Ove Rosing Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut